

## Ch'est pas des bricoleux !

Face à la mer ....  
Rose est le granit ! ...  
J'busis à min villache...  
Aliboron s'dessine dins ché nuaches  
Et parmi ché rochers de l'côte découpée  
Ch'est note fier Jehan qui s'profile ....

Ali, Ali faut qu'te m'expliques :  
Ché camarates d'l'UB et quô qui fabriquent ?  
D'in haut d'mes 4 mètres cinquante  
D'puis quéques jours, j'les vôs  
Courir les rues de ch'villache,  
Ch'est enne rute cavalcate !  
Pourtant in est p'incore à l'Pint'côte ?  
Faut qu'te m'expliques Ali  
J'vas in printe bonne note,  
Cha fait qu'chinq ans que j'sus ichi  
J'ai incore gramint d'kosses à apprendre ..

Eh bin Jehan, te vôs  
Nous camarates d'l'UB y quêtent  
Y quô ?  
Y quêtent...  
Y cachent'te après des sous si qu'te préfères  
Ch'est l'tradition :  
A l'origine ch'étôt des sous pou l'cavalcate  
Au profit d'ché plus démunis.  
D'nos jours ché pu parèle  
Mais y'a toudis enne part pou l'CCAS.

Donc, ché gars d'l'UB y passent'te  
Dins ché majons chez leu mepes bienfaiteurs  
Pour .... Quéques bienfaits et gramint d'chaleur  
Te vôs Jehan ch'est aussi simpe que cha  
Ah bah ouais j'vôs cha !  
In l'vôt pas mais y sont toudis à l'ouvrache  
Pou l'cavalcate et pou ch'villache !

T'as tout compris ... ch'est des brafes !  
Ch'l'accueule y'est toudis chaleureux  
Enne bière par chi, un sourire par là  
Quéques bons mots par ichi  
Et même parfois enne caresse à ch'ca  
Te vôs que de l'convivialité  
Comme y disent ché gins !  
Mais quéques fôs y leur in arrife des drôles :  
Ecoute ichi :

:Les v'là à deux  
Ch'est deux d'nos "ch'est pas des bricoleux".  
Les v'là à deux,  
dins ch'l'auto y z'armentent,  
Ch'est pas que l'soirée elle avot été lonque,  
Mais l'leune, elle ouvrot d'jà bien s'n'eule,  
y z'avot'tent bien ouvré,  
Et ... bien rimpli ch'gousset  
Pour nous faire avincher.

Les v'là à deux  
dins ch'l'auto pour rentrer à leu majon.  
« Y fait clair e'tin côté ? »  
dins l'eule pas d'caramel ...  
« Y fait clair e'tin côté ? »  
« ben ouais ... »  
Y'oufe sin carreau, y respire du vent  
Et d'busier y prend l'temps !  
ben ouais ... mais j'vôs pas grind kausse »  
dins "pas clair" y'avinche  
et ... et les v'là che l'reule dins ch'fossé  
« ravisse ichi, nous v'là bien !  
va vir et mets ch'crabot »  
sitôt dit, sitôt fait ...  
Les v'là déhiers ch'fossé,  
ch'est deux d'nos "ch'est pas des bricoleux".

cha n'peut arriver qu'à eusse deux  
in rintro dins ch'fossé et in ar'sort  
sins s'faire d'mourron.  
Même pas émotionnés !  
Contints comme pourrot l'être  
L'plus z'heureux des hommes  
Y rintrent à leu majon.  
E'l'soirée elle a été bonne !  
ch'est pas des faijeux d'mennes,  
ch'est pas des bricoleux !  
Pas d'imblaieux, qu'des ouvreux.

Te vôs Jehan, grâce à eux,  
Ch'villache y'est prêt pour la fête  
Ch'est pas des bricoleux !

*(Jean-Luc) Programme cavalcade 2008*